

摘藻堂四庫全書薈要

集部

欽定四庫全書薈要卷一萬五千七百十六

集部

于湖集卷六

宋 張孝祥 撰

律詩

進芝草

廟錫珍符豈偶然靈華再見只經年
祥開二室昭貽燕根託同楹自屬聯
上瑞應誠雖紹至宸衷思孝益增虔
微臣願考皇天意不獻終童效異篇

又

煌煌瑞彩映金鋪元氣回旋即此都太史連年書盛事
近臣更日奏新圖璇宮薦祉寧虛應玉葉流芳已兆符
早晚清塵款原廟臨觀敢請駐前驅

某頃蒙信陽使君教以邊字韻佳句伏讀降歎
病勸答謝甚緩復不能奇仰俟斲削

風流追數建安年誰遣朱轡並塞邊舉國向來儒服少
是邦端有大夫賢須公帷幄收長策著我江湖刺釣舡
池閣追涼肯臨否紅粧翠蓋擁三千

又

百適歸來又一年
投身烽火戍樓邊
私憂自笑愚無策
制勝懸知國有賢
北去燕然堪勒石
西來樊口看燒舡
中州更有王夫子
筆陣猶能獨掃千

子雲壓境先遣詩次韻

相風日日問長年
鷁首遙知近箇邊
別後情親難過我
故家人物更誰賢
一尊且對荒城酒
六月休牽上水舡
小此淹留待追詔
公車歸奏牘三千

送劉伯同侍開府公入覲

相公早勒太常銘康樂當家更典刑
槍急曾看飛鳥過筆精時作換鵞經
極知許國心常赤趁取封侯鬢尚青
若到都城見知舊為言江漢有浮萍

謝玄封
康樂公

送子雲倅荊州

閱世波流險未涯愛君悃悃靜無華
高門自惜聯三戟飛珮何當乞九霞
喬木世臣餘故國采蘋齊女甚宜家
君王早晚思前席會有徵書訪賈嘉

又

荆吳相望各天涯，惜別尊前菊未華。
便放扁舟衝駭浪，要看秋日冠輕霞。
新詩滿路分吾子，盛業康時是故家。
好去依劉靜邊瑣，策勲行即賜褒嘉。

枕上聞雪呈趙郭二丈

上瑞來寧玉座憂，夜聲先到竹窓幽。
餓腸已作來年飽，病眼聊須曠月收。
高士清貧無弊履，故人狂興阻扁舟。
却思清曠江邊路，鷄兔成車酒自籌。

湖上晚歸遇雨

陰雲靄靄草萋萋
晚過東湖雨濕衣
細柳含煙凝翠色
浮鷗戲水弄晴暉
輕舟繫纜斜依岸
釣子收綸欲下磯
湖上人家未扃戶
兒童蓑笠負薪歸

雨入廬山

夢想匡廬一段奇
經行那得雨追一作相隨
晴來見說山

逾好勝處如今我
自知虛室真人珠
咳唾吐庵老子白

鬚眉並游三士風
流甚袖手傍觀定
有詩清虛真人皇
甫坦東林長

老道顏俱
在山中

再和

借

一本帶

雨尋山故自竒幕中佳客肯相隨清游端拜使

君賜此樂詎容兒輩知暗谷水來鳴雜佩遠峯煙斷出
脩眉庾樓百尺江千里遙憶憑高政索詩

郡侯遣騎至山中餽名醞輒呈長句用黃宰韻

山南山北雨生寒竹樹風煙蒼莽間青壁倚天元未見
白衣送酒故相關共追蓮社公應許穩上籃輿我欲還

後日重來拚一月細扶藜杖覓孱顏

去年正月三日雪霽入昭亭訪應庵如庵二老
今年在臨川追懷昔游用寄卍庵韻

蹇驢衝

一本作踏

雪度松林齧

一本作漱

石溪流有令音旋摘白

雲濡燥吻更參黃蘗印初心嵐開複嶺雲千疊凍合浮
圖玉數尋一夢經年歸去好宦情全薄此情深

卍庵自東林欲還蜀某以報恩招之大人賦詩

勸請再次韻

憶携拄杖過東林，掣電轟雷聽法音。
青壁倚天元滿眼，白雲出岫本無心。
我眉江險公無渡法眼，泉清我欲尋
手種庭前栢樹子，孤根應比鄉來深。

用韻簡天童應庵

敬亭松竹古叢林，二老風流舊賞音。
樓閣長開太平象，鐘魚能洗祖師心。
別來黃鵠還千里，盟在白鷗當再尋。
却憶西堂大言客，只今高坐海雲深。

奉陪宣守任使君謁昭亭神祠

緩驅千騎出朝京

名門

喚得春回眼界青
旗脚靈風來廟

步馬蹄山雪過昭亭
極知太守懷忠款
端為君王薦德馨
慚愧去年冬十月
軍書徹夜聽鳴鈴

又

豐年已卜稻如京
雪盡春從草際青
竹裏紅旗行點點
松間白塔見亭亭
暖回宿麥開寒色
風約疎梅度晚馨
却憶宣城李太白
也將詩句掣齋鈴

太白詩云昨日方為宣城客掣鈴交

通二
千石

任守作醮為民祈福先期而雪是日開霽

紫府仙人自列真綠章封事更通神清塵已作連宵雪
不夜潛回萬屋春玉節朱幡來浩蕩雲車風馬正紛綸
步虛聲徹朝元路便挈荷囊款帝閭

應庵退席蔣山來寄昭亭萬壽三請不得已而
去輒贈長句兼簡蘇州內翰尚書

逍遙丘壑欲忘年忽作風蟬蛻骨仙鍾阜恰從三昧起
靈一本作雲巖重要一燈傳極知掃迹終無策且與臨岐快

著鞭莫作山林城市想從來大隱故居廛

又

不寄音書又隔年因師問訊玉堂仙
碧油早覺儒為貴
青海應無箭可傳
憶昔絲綸催喚仗
何時沙路聽鳴鞭
生涯落寞公知否
準擬松江受一廛

辛巳冬聞德音

帳殿稱觴送喜頻
德音借與萬方春
指揮中夏無遺策
開闔乾坤有至神
南斗夜纏龍虎氣
北風朝蕩壘垣塵

明年玉燭王正月擬上梁園奉貢珍

又

屬國攜家款附多王師直到白溝河守江諸將遙分閫
絕漠殘兵競倒戈翠蹕春行天動色牙檣宵濟海無波
小儒不得參戎事賸賦新詩續雅歌

和曾裘父韻送老人赴鎮九江

邊箭收聲江不波廬山高處與天摩向來只作青鞋計
此去無如紫詔何塵滿庾樓煩翦拂經餘蓮社更摩挲

文成本自籌帷幄不數黥彭戰伐多

上丁齋宿

青衿陪祀憶初年老矣齋居重慨然俎豆不知鸞鶴事
牲牢空薦葢羹膾北來輓粟車連野東去乘槎浪接天
汲汲兩宮常旰食受膳歸去淚如川

和揔得居士康樂亭韻

尚憶池塘夢阿連當時此意惜無傳薪車不障洪河決
喬木終隨故國顛柳下煨工真得道竹林酒友謾稱賢

先生義槩雲天薄千載參渠活句禪

寄張真父舍人

玉珮瓊琚出近班仙槎從此到人間聊須海內無雙士
往鎮坤維百二關御府應留霜簡看鄉人休羨錦衣還
嗚呼國步艱危日補袞懸知欠仲山

又

投分平生不數人憶陪文館笑談新資中宰樹看成拱
荆府詩筒迹又陳已恨別離空歲月那知邂逅亦參辰

古來命駕須千里薄宦區區愧此身

中秋觀月齊雲樓用孫昌符韻

玉宇無塵夜氣清銀河徹底素波明人應好月同千里
身在高樓近一本作接五城丹桂定知憐我老綠尊何惜為
君傾建章鵲鵲當年夢便欲憑空上玉京

題魯如晦通隱

先生早結社中蓮覆錦憑熊亦偶然不向江湖忘魏闕
故應山澤有儒仙十洲便著登瀛士三徑難留避世賢

我亦經營一丘壑問公先乞小壺天

同胡邦衡夜直

慕用高名二十年敢期丹地接周旋先生義與雲天薄
老去心如鐵石堅夢了瓊崖身益壯煙銷金塢臭空傳
一尊莫惜空相屬宮漏穿花夜色鮮

一作月
滿天

雪晴成五十六字

烏鳥聲樂作初晴日到南窓氣象新天接瓊瑤三萬頃
樹明組練五千人已從炎海消陰翳更與神臯洗戰塵

曾侍嚴宸知帝力隆興借與萬方春

將如會稽寄曾吉甫

起居一代文章老闕寄音書恰二年詩債未還緣懶拙
宦游如此竟危顛會稽舊有探書穴賀監應尋載酒舫
我欲從公留十日問公乞句手親編

過昭亭哭二弟墓

陌上春風久矣歸墓頭衰草正迷離白頭未拄三年淚
黃壤長埋短世悲憶昔追游常並轡只今獨往更題詩

兩兒二弟俱具漠顧影伶俜欲語誰

贈邕州滕使君

千騎東方白玉鑣十眉環坐紫壇槽
安南都護來黿禁建武將軍握豹韜
瘴雨蠻煙驚鼓角朔雲邊雪滿旌旄
夕烽不到甘泉殿尺一徵還近赭袍

于湖集卷六

欽定四庫全書薈要卷一萬五千七百十七

集部

于湖集卷七

宋 張孝祥 撰

律詩

齊山

江山平遠三千里水石嵌空二百巖地闢天開成洞府
峯回路轉有精藍九華卻立纔堪倚萬井橫陳我所監
欲賦齊山無傑句夢中危壁尚巉巖

一本作提
筆上巉巖

夜讀五公楚東酬唱輒書其後呈龜齡

同是清都紫府仙帝教彈壓楚山川星躔錯落珠連緯
嶽鎮峩嵒柱倚天宮羽在縣金奏合驂騑參隊寶花鮮
平生我亦詩成癖却悔來遲不與編

薦福觀何卿麒麟壁間詩對之悵然次前韻

金華老子定臞仙翰墨文章徧兩川遺迹已驚風落木
高名依舊日行天人間易得朱顏老寺壁空懸玉唾鮮
欲繼三賢歌薤露嚴詩杜集儻同編

再用韻作五公詩

公如韓子定飛仙更喜門人老玉川莫厭詩筒頻度嶺
即看侯弁去朝天飛龍位正雲霄近集鳳樓高米色鮮
我欲扁舟君記否但教歸去雜民編

蒙侍御史再用韻作送行詩走筆和答迫放舡
不暇工也

憶曾總領道山仙自挽狂瀾制百川廷策萬言功蓋世
臺評三上力回天楚東賸喜詩郵連天北催頒詔墨鮮
老我江湖堪野史看公勲業手親編

龜齡携具同景廬嘉叟餞別於薦福即席再用

韻賦四客詩

使君領客訪金仙小隊旌旗錦一川我欲采芝非辟世
公當立極要擎天詩聲政爾容傳藁僧律何嘗禁割鮮
一笑番陽逢歲熟問公鐘磬幾時編

登清音堂其下琵琶洲也再用韻

夜橫霜竹夢遊仙曉到餘干月滿川山遶樓臺欲無地
水環洲渚更連天明霞一抹朱絃直芳草分垂綠綬鮮

却憶洞庭張樂地石鐘浮磬定同編

餘干趙公頊賢宗室也魏公題其堂曰養正且
為作銘取易順之義刻碑堂上予過之為賦
詩

眼裏紛紛不要同從教三徑滿蒿蓬肯來與子談周易
此去何人識魏公家近星辰雙闕北身居煙浪五湖東
清臺有日占雲氣一文豐碑夜貫虹

雞籠福地在歷陽將至豐城望一山宛然感之

賦詩

黃茅白葦徑才通忽見晴嵐掃翠空
從吏只今俱蠶戶仙山何許是雞籠
逢人漸覺交游少問路仍行盜賊中
自是麕才合麕使瘴鄉那得便逢窮

午憩道傍人家

一崦人家竹樹涼午陰深處著胡床
石泉政似煮茗沸稻花已作炊杭香
夢到家園歸自好起尋官路去何長
塵埃滿面迎西日底處青山是故鄉

入清江界地名九段田沃壤百里黃雲際天他處未有也

野水瀰漫欲漲川稻雲烘日更連天定無適粵千金橐可買臨江九段田黃犢眠邊高樹蔭白雞啼處遠炊煙此中若許投簪紱便老耒耜卜數椽

題吳城廟

乞得東歸一信風敬持牲酒扣靈宮千尋石甃蒼藤合

百歲神倉赤青空

廟有神倉每遇覆舟則赤氣起

浥浥午陰移岸樹蕭

蕭涼意滿舡蓬杖藜更作僧坊去借壁題詩却未工

呈樞密劉恭父

鼎席方虛望已隆上游那得更煩公敢言兩鎮成交契
自是孤根累化工舊弼新開元帥府間官且領太平宮
歸家淨洗如椽筆準擬燕然勒駿功

子功補之遠送海錯甚珍

白晁烏羊見未曾青蛇赤蟻當常珍忽驚海物來登坐
能致南京有故人萬里漂流憐逐食百年麕羶愧嘗新

新筍恰起來時熟細酌梅花雪片春

張仲欽朝陽亭

亭在建康

便合朝陽作鳳鳴江亭聊此駐脩程南瞻御路臨雙闕
東望仙家接五城日上白門兵氣靜春歸淮浦暗潮平
遙憐莫府文書省時下滄浪自濯纓

次韻

明年余為桂州仲欽以常參官十六人薦為廣西
提點刑獄公事又明年余罷去仲欽直秘閣實代

余蓋仲欽常遊朝陽巖而樂之於余之行也仲欽
置酒巖上諸侯賓客咸集顧不可以無語乃賡建
康之詩以記余與仲欽事契如此為嶺表異日雄
觀云

空巖相望一牛鳴不要郵籤報水程天接海光通外徼
地連江勢挾重城絲綸疊至龍恩重繡斧前驅蜚霧平
鳳閣鸞臺有虛位請君從此振朝纓

又

饑腸得酒作雷鳴
痛飲狂歌不自程
坐上波瀾生健筆
歸來鐘鼓動嚴城
不應此地淹鴻業
盍與吾君致太平
伏櫪壯心猶未已
須君為我請長纓

送張司戶還蜀

似向川人有夙緣
交游存歿最多賢
今年初識張公子
六月還尋上水舡
萬里親庭心已到
一杯別酒意空傳
西行賸有新詩句
寄我應書十樣牋

和仲彌性煙霏佳句兼簡貳車

收歛經綸寄一麾
戲分風月與煙霏
醉餘綵筆三千首
老去蒼官四十圍
露菊溥秋催落帽
蠟花催夜照更衣
登臨縱好難留滯
白髮雙親待汝歸

又

引手星辰逼太微
盪胸雲物散空霏
莫山好處青成案
秋月明時雪打圍
竹洗佳人千點淚
荷翻仙子六銖衣
西巖定有漁翁宿
障雨攔風不肯歸

庾樓和林黃中韻

九月扁舟下水風一樽佳處與君同
眼高四海氛塵外詩在千山紫翠中
傾座只驚談麈白踏筵不怕舞衫紅
樓頭今古無窮事醉倚胡牀月滿空

高遠亭和林黃中韻

簷桷飛翔入太空下窺廬嶽最高峯
亭如峴首應遺愛詩比西湖欲亢宗
天上喚君從此近酒邊著我幾時重
憑欄欲去仍回首誰與佳名自點眉

與同僚十五人謝晴東明得淵字

靈光便滿恒沙界大士重來七十年秋入郊原成樂歲
風隨簫鼓散香煙定知蠻獠安三窟更遣蛟龍閤九淵
太守憂民但逃責所忻畢至有群賢

釋奠

又領諸儒款泮宮車書同處禮應同栢庭老影留江月
竹屋寒聲作社風坐客語殘香一穗候人催起鼓三通
歸來稅冕仍分肉更覺休官興未窮

風雨石首呈同行寄荊州僚舊

昨日離筵酒未醒
今朝風雨暗江亭
近人積水春全綠
隔岸荒山夜却青
野吏衣冠行木偶
客船燈火散疏星
寬程且作三旬約
要看廬山紫翠屏

江行再用前韻

澤畔行吟我獨醒
歸程不計短長亭
西風送浪頭頭白
芳草隨人段段青
昨夜踈篷猶窘雨
今朝嚴鼓欲侵星
無人去喚華容宰
畫我江行作小屏

次韻黃子餘

縮肩得句極酸寒何似黃郎咳唾間
少日曾經諸老學傳家自有祖師關
詞林根柢今誰在振古風流要力還
我老故應無用此因君猶欲更晞顏

去臨川書西津漁家

作客臨川又一年却尋歸路淺灘舡
宦游到處真聊爾別恨何須更黯然
夾道長紅慚父老繞城濃碧記山川
無端此地成留滯定自從渠有宿緣

將至池陽呈魯使君

珍重池陽魯使君
忘年交契獨情親
江山佳處公開府
風雨來時我問津
翠逼筍輿松徑合
綠隨秧馬稻畦新
東歸賸作登臨好
病怯詩腸故惱人

上元設醮畢作長句

綠簡朱書自叩真
復爐香霧晚絢緼
雪花便作茶花白
春色還隨月色新
江漲不憂堤萬丈
年豐何啻粟千囷
微生只擬休官去
拜昨歸來吉夢頻

齊安郡夫人挽章

錢長主之孫女
楊子寬之內子

儲祥吳越王家子婉德蓬萊閣上仙湯沐幾年開大國
筭珈長夜揜窮泉鸞臺曉月悲塵鏡鳳軫春風泣斷絃
木落菱枯何限恨榮枯應賦悼亡篇

于湖集卷七

欽定四庫全書薈要卷一萬五千七百十八

集部

于湖集卷八

宋 張孝祥 撰

律詩

賀郊祀

并序

臣恭惟皇帝陛下飭躬齋精祇見郊廟神靈昭
答符瑞紛委臣猥叨奉引與覲熙事竊慕夫保歸
美之義昧死再拜上郊祀慶成詩一章句格淺鄙
不足以鋪張鉅麗垂示無極臣不勝恐懼惟陛下

幸赦

漢統千齡接虞衡七政齊德馨天自饗容祿古猶稽輿

衛鈞陳北衣冠觀闕西

景靈宮在國之西

雨先清道蹕寒避禮

神主

給事中周麟之實進主為臣言主之溫手不知寒蓋和氣所聚

方士朝仙仗

是日有異

人迎駕左宮垣挾御堤廟芝楹疊壁

去歲靈芝天生廟楹

帝樂字連

奎

始用御製樂歌

虛次尤祗慄

不御小次

懷親極慘悽

自獻徽宗室還復位帝淚

霑灑珠旒依玉色蘭炬映璇題兩相初扶翼崇壇六降

濟

粵初卜郊及今六舉上儀於是方備二相

高靈森欲墮諸福應如携燎夜

壇三燭凌霜甲萬犀宗藩申寶酌祕檢護金泥奉引星
辰爛旋歸錦繡迷端門臨五鳳步輦駐雙霓日照雲裳
委風含綵簷低和聲翔四表嘉澤浸羣黎盛事真寥廓
微生荷獎提侍祠叨執爵著籍繆通閨異寵何由報孤
忠誓言不睽裁詩獨慚晚猶得並鳬鷺

送顏廷藻歸三衢

歲事今如此公歸意若何倚門親望切傳舍客愁多美
識當圓石仙游看爛柯一科須俯拾五字要長哦

送郭遐齡

喬年

去從公府辟不為故人留國士真如此臺家合見收聲
名早多誤功業晚方優不必毛錐子相期定遠侯

次家君韻

栢禪工立雪松壽不凋寒筆底波瀾壯胷中宇宙寬登
車慵攬轡投檄願休官四海英名滿懸知袖手難

又

憶昔金門直通班玉殿寒風雲黃道近日月太虛寬法

錦羅千仗宮花覆百官江湖歲將晚未覺報君難

題玄英先生廟

方干

木老參天直江清白日閒先生元不死遺廟亦空山
文采雲仍似風流正始間平生子嚴子高處得追攀

謹和老人貽具圖復之什

儒名參墨行詩律傲宗風老去能從我生來未識公
據梧心已死行李歲將窮應見維摩詰天花結習空

和王景文

陸行忌豺虎水去怯風波世路險猶爾客中愁更多吾
生真漫與天道合如何千古興亡意臨風一放歌

又

斯文到之子砥柱閔頽波致主規模別傷時疾疢多大
臣讒賈誼逆旅欠常何無路排閭闔聊當扣角歌

又

王師行六月淮海靜無波元老前籌密諸軍捷奏多西
風向蕭瑟北顧要誰何聞說收兵後謳吟雜雅歌

即事簡蘇廷藻 著

落日邊書急，秋風戰鼓多。
私憂真過計，長算合如何。
盡歛清淮戍，仍收瀚海波。
棲遲一尊酒，幽恨滿關河。

和韓中父

天入南郊白雲連，朔野昏微臣。
開盛府殤鬼哭，新魂聞道通。
輶傳何當拜寢園，荒寒歲將晚。
愁絕更堪言。

天

東隣子韓子，憂國忘晨昏也。
作漳濱卧誰招楚些魂，舊

勲留幙府新渥到丘園家法傳來久遲君一盡言

東垣

固城朝送客東垣晚留儂浙近風煙好春回港汊通北
來愁亂轍南去喜踈蓬不是趨朝市松江學釣翁

過建德

古縣依山住肩輿帶雨來問閭無地著巖壑有天開野
驛編青竹公庭砌碧苔傳聞長官好小泊亦佳哉

龜齡侍御以番陽士子之意作五峯亭且賦詩

某敬和

廬山真滿眼秀句憶東坡但遣佳名易懸知得士多雲
霄身已近星象手能摩太守文章伯風行水自波
過嶽麓見子雲題字偶逢來使因寄二詩

藉甚韓公子情親我弟兄星沙逢驛使嶽麓見題名共
作三年別相望五日

一本作十日

程湘江接淮水寄與濯塵

纓

又

故人應問我客裏定何如馬鋪為行館雞栖是使車四
郊多賊壘五筦欠兵儲此去無來鴈因人數寄書

送劉子思

送客古城東陰晴一日中舊憐衫袵碧新喜荔枝紅香
火藪祠冷魚鰕小市空明朝萬里別今夕此尊同

月夜與蔡濟忠曹公會汎舟自水東歸

一舸駕長風銀河此路通波光連月白燭影到江紅五
嶺經星外千山颼霧中不知今夜賞更有幾人同

鹿鳴燕

明庭下溫詔方岳貢羣賢巢鳳山中客栖

一本作驂鸞

地上

仙魚龍回夜水鷗鷺在秋天添種家鄉桂歸途快著鞭

訾洲即事

一雨便清涼風回百草香雲山米家畫水竹輞川莊僧
賦蠲新帖墻榛斬舊行歸鞍乘晚霽空翠滿輕裝

罷歸

親老難為住恩深許放歸北行湘水闊南望瘴煙微兵

衛收門戟征塵上客衣遙知六七月喜氣滿庭闈

罷歸呈同官

去年秋七月我犯瘴煙來賦少畬田熟徭歸驛路開上
恩均雨露孤迹返蒿萊想像山中趣參差屐齒苔

又

嶺水常時急蠻山是處高戶輸無翠羽溪瘴有黃茅游
子歸鄉國斯人滯冗曹臨分那忍別風裏鬢蕭騷

贈江清卿

嶺海適相逢經年颶霧中官閒詩格進祿薄俸囊空子
昔南征鶴吾今北去鴻江湖渺何許聽喚九霄風

作一本

舸釣
絲風

過靈川寄張仲欽兼贈王令尹

塵沙行半日煙火是靈川縣只三家市渠通十斛舡官
空無見俸稅重有荒田太息王郎子棲遲欲四年

滑石

重來滑石鋪為愛碧泉鳴古甃苔花滋虛簷桂月明喬

林通夜氣密竹動秋聲客裏清涼地悠然一振纓

興安

提封連嶺海風土似江吳仙去山藏乳商歸斗算珠劬
農多樂歲厲俗有通儒已過炎關了吾行且緩驅

炎關

驅馬度炎關身經瘴野還稍餘衣帶水已盡劒鉞山海
月隨人遠湘雲似我閒不須占紫氣游戲且人間

蒸霞谷為曹公會賦

見說蒸霞谷連山只種桃補成天五色散作佛千毫月
底羣仙下風前細一作綠伏高期君成美實歸獻赤霜袍

登瀛橋為曹公會賦

從此上瀛洲虹蜺晚未收濟川誰作揖浮海不乘桴弱
水三萬里五城十二樓讀書羣玉府風袂揖丹丘

丙戌七月望日自南臺遊福嚴書留山中

乞我一枝筇經行又別峯水流仙界葉風落化城鐘錫
去泉無恙車行石有蹤卻憐磨衲老曾見兩儒宗

自方
廣南

臺主僧萬致一能詩呂
紫微汪內相昔嘗指授

和萬老

歸途正遼邈此地更淹留
落木千山夜空江萬里秋
聊為無事飲莫賦畔牢愁
明發催舡鼓風颿過橘洲

再和

吾行聊復爾處處賈胡留
天入星沙晚風連夢澤秋
未容詩作崇政要酒澆愁
明月無人伴携君鸚鵡洲

于湖集卷八

欽定四庫全書薈要卷一萬五千七百十九

集部

于湖集卷九

宋 張孝祥 撰

律詩

三塔寺阻雨

塔上一鈴語湖頭三日風
蒼山在煙外高浪與天通
市廛新芻少僧殘象教空
不妨留滯好且看夕陽紅

又

倦客三杯酒高僧一味茶
涼風撼楊柳晴日麗荷花
鐸

語時鳴塔漁歌晚釣槎停艫快清憩步穩襯明霞

過湘中得詩僧萬致一於書無所不讀非苟得
詩名於僧中者余欲與俱還吳中而萬家渚
溪將結草庵其上送余至湘陰復歸作四十
字以別

別去太匆匆回舡夢澤東擬尋行脚路忽遇打頭風
網威儀在天花結習空他年三百首吾為子流通

欽夫子明定叟夜話舟中欽夫說論語數解天

地之心聖人之心盡在是矣明日賦詩以別
江北我歸去湘西君卜居誰知對床語勝讀十年書不
飲清無寐來朋樂有餘明朝千里別密處幾曾疎

送張立之赴臨江判官

珍重清江掾相從五見秋炎涼無改節夷險有忠謀蓮
幙開新府蒲帆漾小舟淒然洞庭野別意與川流

一作波流

黃陵廟

百世黃陵廟淒涼屋數間只憐斑楚竹那記赭湘山訪

古韓碑在徵歌屈些閑虞嬪更堯女莫入

一作

水仙班

磊石

鼓發營田市帆收磊石山冰紉六十里煙髻兩三鬢天
氣水雲合人家罾網間晚來風更熱別浦棹歌還

黃州

平生聞赤壁今日到黃州古戍參差月空江浩蕩秋艱
難念時事留滯豈身謀索索悲風裏滄浪亦白頭

東坡

繫舡著西日曳杖過

一作到

東坡暗井蛙成部荒祠鳥作

窠老仙騎鶴去穉子飯牛歌興廢何須問斯文自不磨
過蘄口六奉寺丞仲文親帖之貺今早本約來
陳店復勤千騎至冶塘所以招迎之意甚厚
感歎不已賦此為謝

故人經歲別連日幾封書不識江頭路仍迂長者車追
參空幕府牽挽到賓除太息交情薄多公不我疎

臨發再和

水落魚成塞風高鴈欲書公為東道主我滯北轅車邊
障無傳警朝廷有拜除江干便迎候此別未云疎

送仲子弟用同之韻

淒然鴻鴈影晚歲索衣裘惜別湘江夜歸程楚甸秋極
知違定省不敢更淹留明月分携處無言只是愁

送謝夢得歸昭武

莫吟青玉案恐弊黑貂裘國步艱難日人間浩蕩秋不
須烏工往且作賈胡留後夜回春閣淒然一段愁

和欽夫喜雨

佛刹起香雲高低一雨均使君心未已閣老句還新喜
入村鄉樂涼生甕盎春莫嫌知稼穡我是種田人

詩送荊州進士入都

人才收楚產賓薦謹周官就日三吳近披風七澤寬解
包珍貢入瑒玉寶光寒簇仗春旗裏看君策治安

城西晚步呈王亮采

城西行半日佳客偶相隨古寺尋脩竹荒園讀斷碑三

杯午時酒一簇晚沙旗春色從今好重來未可知

壓雲亭

登臨多好處第一壓雲亭水作高低白山分遠近青人
家半煙樹客柁滿春汀賸欲留連晚歸時更摘星

玉淵亭

夜投寶覺寺徑上玉淵亭峽東千崖水天分一段星神
光行熠燿空翠矗青冥雄觀兼幽趣悠然寄獨醒

簡寂觀

瀑水流紅葉荒祠瑣翠微紫霄人不到白鶴事全非
苦笋今年少黃冠竟日饑摩挲石龍柱竚立為歔歔

皇甫坦所居

石側疑無路峯回別有天神泉通玉海帝畫麗奎躔紫
闥雖重到青瑤卻未鐫直須香案吏為寫白雲篇

出郊

楚霧侵衣潤湘江到眼明春連嶽麓寺花滿定王城佳
客真如此天公却不晴空濛殊可意沙濕馬蹄輕

酬朱元晦登定王臺之作

海內朱公子端能為我來譚諧渺今古懽喜到輿臺日
月何曾蔽風雲會有開登臨一盃酒莫作楚囚哀

吳伯承生孫交游共為之喜凡七人分韻我亦
從來識英物試教啼看定何如某得啼定字

得孫當贊喜喚客便分題樓鼓方行夜天星恰照奎熊
羆通夢寐孔釋自提携湯餅那應晚吾來為止啼

又

吳郎薄軒冕市隱室垂罄兒孫忽成行乘除乃天定我
女才三歲此事當退聽賸欲便款門積雨道苦渇

贈王茂升

薦士移書早論交識面遲寬行十里路細讀百篇詩句
法能如此胷中定自竒不嫌知己少莫厭此官卑

秋日郊居

秋日郊扉樂心閒景趣閒風生疎竹裏雨在片雲間疏
港聊通水關門不礙山殘書讀未盡飛鳥暮雲還

中秋書事

江月清光冷波亭夜色奇流螢翻露草倦鵲遶風枝素魄不長滿故人頻語離有懷千里恨若為一杯辭

請說歸休好

請說歸休好扶行白髮親訪醫無遠近買藥辦新陳索酒兼鄰壑要賓盡里人短長無不可且得是閒身

又

請說歸休好從今自在閑新除疊黃紙舊隱接青山竹

遠披風榭蘆藏釣月灣田間四時景何處不開顏

喜歸作

月地參差影風簷取次花酒為春主掌貧是老生涯湖
海扁舟去江淮到處家扶持兩仙伯丹鼎絢彤霞

故年家姚公挽章

世德方隆報君恩未及封起家惟子好弗壽竟誰鍾無
復時中聖遙憐不相春隻雞吾阻往拭淚睇喬松



于湖集卷九



總校官庶吉士臣張能照

校對官中書臣葉蘭

謄錄舉人臣任銜蔡

謄錄監生臣張護

欽定四庫全書叢要

集部

于湖集卷十三

詳校官助教臣謝登雋



欽定四庫全書薈要卷一萬五千七百二十

集部

于湖集卷十

宋 張孝祥 撰

絕句

殿廬偶成


簾幙垂垂燕子風
宮花春盡翠陰濃
日長禁直文書靜
寶熱時時一拆封

和劉國正覓雌黃

劉郎家具少於車
只有詩囊未厭渠
乞與丹鉛將底用

點勘腹中行秘書

又

蠻牋歌斜落傑句清似秋月橫蛾眉口中雌黃蓋天下
聊欲教我煩新詩

蠟梅

滿面宮妝淡淡黃絳紗封蠟貯幽香遙憐未識春消息
乞與一枝教斷腸

次韻左舉善木樨

想見秋花插滿頭
遙憐不負此山遊
一枝併與詩筒饋
氣壓西湖萬斛秋

以茶芽焦坑送周德友
德友來索賜茶僕無之
也

帝家好賜喬雲龍
祇到調元六七公
賴有山家供小草
猶堪詩老薦春風

又

仇池詩中識焦坑
風味官焙可抗行
鑽餘權倖亦及我

十輩走前公試烹

漸春道中

霜淨波平水落灣
我行正在畫圖間
簾鉤不用怕風日
且看江南江北山

次江州王知府叔堅韻

說河不救癡兒渴
砥柱乃障顏
波流庾公樓中三昧手
何時歸侍殿西頭

又

霜餘江北山如畫歲晚家鄉稻作京萬里公方黃鵠舉
扁舟我自白鷗盟

又

今朝放纜好天色過午忽作打頭風却望江州纔十里
我船且繫蘆花中

又

廬山突兀上霄漢使君豪氣與相醕廬山雖好不足戀
歸矣當為蒼生謀

又

連城鼠璞不足唾千金敝帚誰能醕只今機會不容髮
願借前箸君當謀

又

谷簾釀酒極清美風味大似主人翁我有一尊正傾寫
却思煙雨庾樓中

又

何人列屋閉嬋娟憶對清歌重慨然一笑相憐窮相眼

謾撩詩思入愁邊

又

經行有恨是陰雨不見香爐生紫烟
安得草堂容一榻
聽松聽水日高眠

道間見梅

寒女生來不解粧天然玉色照孤芳
踈籬茅舍無端恨
故有幽人與斷腸

題定山寺

蹇驢夜入定山寺古屋貯月松風清止聞掛塔一鈴語
不見撞鐘千指迎

又

千山蒼茫月東出萬木擺搖風怒號幽人隱几撫羣動
清燈明滅爐煙高

昭亭食柑

一雙分我洞庭秋梨棗傍觀不那羞喚得風霜面齒頰
夜尋清夢五湖舟

和如庵

厭聽諸方三昧禪
却思夜雨對床眠
欲知千偈如翻水
看取朝來綠漲川

又

不談世法不談禪
徹曉齁齁一覺眠
箇裏神通元不小
回風急雨震山川

又

朝供爐香夜供燈
閒來落得困曹騰
如庵許我參堂去

長作昭亭粥飯僧

又

一燈分作百千燈光徧河沙正鬱騰稽首應庵休揀擇
直須傳與在家僧

又

道人受偈自然燈筆底光芒夜夜騰詩成十手不供寫
鑿齒敢對彌天僧

又

飛蛾撲撲誤占燈火色何人要上騰我已澹然忘世味
蒲團紙帳只依僧

楓橋

四年忽忽兩經過古岸依然窄堵波借我繩牀消午暑
亂蟬鳴處竹陰多

題西湖可賦軒

風光獵獵上烏巾不那西湖爛漫春借我繩牀對脩竹
為君一洗軟紅塵

題胡敦約山行圖

松行石磴兩崎嶇
此去長安路更迂
底箇官儂强健在
葛巾芒屨自騎驢

從張唐卿乞韭黃

雪壓畦蔬僮手斲
度郎多日欠常珍
懸知旅食初無恙
窖裏黃芽借得春

送紙衾韓中父

韓郎香盡諸緣絕
壞衲篝燈供佛熏
乞與紙衾綿樣暖

撩教醉裏夢紛紜

又

了知夢境皆虛妄
妄念常從夢處開
敗子道心因此夢
夢成還我紙衾來

再用韻

雪中紙衾有奇趣
煖香夜作椒蘭熏
毗耶丈室本無病
天女為散花紛紜

又

雪花如席風色惡擁被圍爐門不開我亦窮閭車馬絕
一杯相屬望君來

將至宣城和壁間韻寄王宣子

一笑歸來見在身倒傾江海洗緇塵騎驢緩緩東風裏
知有工夫展故人

寄當塗王守叔堅

隔江燈火夜深明見說江城犬不驚黠虜頭顱當獻社
使君曾次有長城

隱靜覓杉株

舊聞隱靜庭前栢虎嘯龍吟三十秋我亦經營一丘壑
無根樹子却須求

題夏氏莊

平湖漠漠雨霏霏壓水人家燕子飛欲向湖東問春色
杏花無數點征衣

舟中即事

夜行水溢舟難進月白林稀鳥易驚老去不堪霜露力

尊中微覺似多情

小憇孫氏竹軒觀諸公詩

開軒種竹仍留客想見此翁强健時
借我繩牀小盤薄為君試讀壁間詩

又

種竹主人今白髮題詩客子半青雲
北來南去何時了風月依然只此君

王龜齡遣妓送酒賜詩走筆為謝

不復襄王夢裏雲紛紛縞袂與青裙鳴鞭枉送齋中釀
病徹杯觴欠薄醺

與薦福

湖上童童百畝陰丹樓碧閣照清深不嫌歌板相喧聒
要見桃花印此心

豐城觀音院有胡明仲范伯達汪彥章諸公題
字

中興人物數諸公遺墨淒

一本作依

然野寺中欲訪英靈無

處所獨搔蓬鬢立西風

入桂林歇滑石驛題碧玉泉

百折崎嶇嶺路頭一環清駛石間流須君洗盡南來眼
此去山川勝北州

明年重過次韻六言

世事風經雨過此身遇坎乘流折腰不為五斗轍環或
徧九州

和都運判院韻輒記即事

登臨不但為山水玉節政爾觀民風因君引我看勝處
詩在千山煙雨中

又

平生煙霞成痼疾置在朝市殊不宜夢尋歸路向何許
淮南小山生桂枝

又

先生名字帝所識三節在道已相望早晚鳴珂朝玉闕
朱衣正在殿中央

又

便建油幢上木天
棠陰元不用蒲鞭
南州小試調元手
國步多艱政要賢

又

綠蓑青笠舟一葉
黃麻紫詔言如綸
君扶日月行黃道
我向江湖作散人

又

盆池雖小亦清深
要看澄泓印此心
不嫌蛙黽相喧聒

夜靜恐有蛟龍吟

又

君詩我續貂不足曹鄴大楚非足儔要知二人唱必和
異日盛事傳中州

敬謝經略秘閣餘甘湯

甘言誤我三折臂良藥為洗五斗腸欲知苦過味方永
請試君家肘後方

又

此老才堪上諫坡南州留滯意如何還將苦口廟英主
醫國懸知藥籠多

德慶范監州以子石硯竈假雖小而奇戲作

曾侍虛皇玉案前夜書繭紙筆如椽莫嫌此石規模小
一寸玄雲萬斛泉

又

端溪別駕極風流白璧明珠不暗投笑我支牀已多許
須君隱几更冥搜

以水仙花供都運判院

十月西湖水齒涼梅間松下小齋房幽芳靚色天為笑
落莫南來也自香

又

瘴土風烟那有此却疑姑射是前身冰肌玉骨誰消得
付與霜臺衣繡人

再和韻

雪屋因君發妙思作歌可比漢芝房根塵已證清淨慧

鼻觀仍薰知見香

又

玉壺寒露映真色
霧閣雲窗立半身
可但凌波學仙子
絕憐空谷有佳人

和仲欽題粉巖

一麾縻我欠追從
悵望千山紫翠重
忽向郵筒得新句
知君正在碧蓮峯

仲欽寄民為重齋詩和答

齋中寒日影瓏葱齋外參天十八公二十四州民樂否
莫教一物怨途窮

又

玉節南來兩使星埋輪折檻有家聲不嫌齋榜民為重
去國當時一葉輕

又

德意丁寧到綠林都捐刀劍作齊民皇華入奏天顏喜
趁得朝元第四春

又

行邊使者幾時回
寄我清風欲滿懷
已把十詩鐫樂石
為公滿意落新齋

又

蠻烟瘴雨侵行李
每向南雲有所思
定自為民忘涉險
請君細讀寄來詩

贈珪老求竹

東窗便種千竿竹
準擬清風六月涼
傳語報恩珪長老

相煩去作竹街坊

于湖集卷十

欽定四庫全書薈要卷一萬五千七百二十一

集部

于湖集卷十一

宋 張孝祥 撰

絕句

偶得四月菊以奉提刑運使

午陰籬落小裴回
底許清香鼻觀來
定自霜臺風力峻
故教霜菊暑中開

又

金縷裁衣玉綴裳
掃除瘴暑作秋香
一杯擬作重陽賞

更借西風一夜涼

偶得新茶獻提刑文旣壽北堂太夫人亦可助
齊眉之餉也

龍焙新春出尚方細官佳句總堪嘗遙知舉案齊眉處
再拜萱堂壽未央

鄭義寧送蓴菜

我夢扁舟震澤風蓴羹到飭晚盤空那知嶺海炎蒸地
也有青絲滿碧籠

贈甘法曹

北嶽仙人汗漫遊
斯文曾到海邊州
誰憐詩禮甘公子
牢落青衫向白頭

贈劉全州子龜從兄弟

山到湘中青未了
月橫嶺北夜何其
問字劉郎能載酒
為渠更賦一篇詩

和蔡濟忠溪上

一潭秋水不見底
十里暮山無斷頭
長恨公餘過溪晚

放教明月上扁舟

廣右無筆劉子思携一束來擇其尤者作字但
如此他日中州有筆當愛惜也

劉侯贈我筆一束筆鋒如錐管如玉不嫌夜艾剪銀燭
為君一掃千兔禿

登七星山呈仲欽

魁杓歷歷控雲嵐地濶天虛萬象涵不與天公管喉舌
猶堪嶽立鎮湘南

又

便驅匹馬出煙嵐
聖主恩深若海涵
却到璣衡高處望
白雲無數滿江南

壽老迂使者以齋素不置餞

火雲飛電遠連天
太息齋厨几不羶
定自隨車有甘雨
為言星使早加鞭

又

藩府東行迓繡衣
海雲山月照旌麾
錦囊賸有新詩句

寄與幽人莫遣遲

臨桂令以薦當趨朝置酒召客戲作二十八字
遣六從事佐之壽其太夫人

雙鳧舊作朝天計一鶚新收薦士書
不惜持杯相煖熱
白頭慈母最憐渠

風洞

山入烏蠻連越雋天開斗野對珠宮
應憐嶺海長炎熱
乞與清涼萬竅風

羅江驛

湘南湘北三十里六月七月再經過紫荊花開白酒賤

柰此湘中風月

一本作山水

何

秦城

塹山堙谷北防胡南築堅城更遠圖桂海冰天塵不動
那知壠上兩耕夫

龜潭

浯溪見渠文字古龜潭有此竹石幽王孫賣藥城市去

江雨過時余獨遊

早發衡山

飛廉盛怒土囊口
美滿風帆真快哉
後日南山山下過
更留餘力掃塵埃

西湖

岸草汀花對夕陽
滿船新月夜鳴榔
秋清菡萏紅千柄
風靜瑠璃碧一方

舟中

扁舟東去幾時還
身寄雲濤決漭間
一夜櫓聲鳴到曉
覺來滿眼是它山

又

山圍平遠水浮天
目送歸鴻落照邊
好趁新年釀雲液
歸來猶及牡丹前

又

亂山深崦小蹊斜
野水微茫浸斷霞
一笛晚風生碧樹
始知林裏有人家

又

南來北去祗紛紛又過荆山一月春
笑殺風前桃李樹
飄蓬猶作未歸人

又

泊船江口夜深深月傍蓬窗照淺斟
隔岸漁燈半明滅
不眠空有故人心

喜雨

已晴復雨雨還晴慣閱人間夢不驚
小立欄干搔短髮

亂雲飛度夕陽城

謝黃主管

一杯為我貫天刑
便覺人間有獨醒
憶昨金華侍經席
曾分甘露飲春庭

有懷

故人春夢誰復見
故園梨花二月天
丁祝主人時醉賞
荊州寒食又經年

廣右道中

參天古木綠陰合峻極層巒瀑布長啼鳥一聲家萬里
依然無語對斜陽

又

觸鼻野花香泛泛勸歸啼鳥意諄諄嶺南三月已煩暑
猶向江頭細問津

贈鹿苑信公詩禪

詩卷隨身四十年忙時參得竹簞禪而今投老湘西寺
卧看湘江水拍天

又

句中有眼悟方知
悟處還同病
著錐一箇機關無兩用
鳥窠拈起布毛吹

聞德遠與曾表甫黎師侯會飲范周士所

海棠開後碧桃開
寒食人家燕子來
一病閉門三十日
更無屐齒到蒼苔

又

張飲名園樂有餘
奉常何苦但齋居
一杯我亦垂涎甚

病起無聊只羨渠

又

臞曾句法早知名
新築詩壇五字城
不要綈袍憐范叔
應將石鼎調彌明

水仙

淨色只應撩處士
國香今不落民家
江城望斷春消息
故遣詩人詠此花

賦衡山張氏米帖

人物千年海嶽翁
筆精墨妙與天通
傳聞有帖藏張姓
怪底湘江月貫虹

借魏元理畫

復古殿中留醉墨
只今神品世間無
衡山尚畫傳家寶
花鴨來禽肯借不

欽夫折贈海桐賦
詩定叟晦夫皆和
某敬報貺
童童翠蓋擁天香
窮巷無人亦自芳
能致詩豪四公子
不教辜負好風光

贈周義山子季隱

廼翁幾年在黃閣郎君四十猶白丁一家榮瘁不足道
誰持此意聞天庭

樞密端明先生寵分新茶將以麗句穆然清風
久矣不作感歎之餘輒敢屬和

伐山萬鼓震春雷春鄉家山挽得回定自君王思苦口
便同金鼎薦鹽梅

又

先生筆勢挾風雷
春色先從筆底回
卻笑麤官成漫與
望林止渴竟無梅

茶為郵卒所竊
但詩簡至耳

又

詩腸隱隱轉飢雷

一本作殷
殷作驚雷

春困無人與喚回
強續新

詩終不似空傳衣鉢向黃梅

送慈曼如金山迎印老住大瀉

傳語金山山下龍
乞將上水一帆風
道人自有飛空錫
只載中泠十丈洪

小山書院 為劉之翰作

萬里清江占一灣
藂生桂樹點幽閑
誰人得似劉郎子
賦到淮南大小山

舟中熱甚從鄂守李壽翁乞冰雪櫻桃

熟顆櫻桃

一本作種沙

和露摘新冰削玉
辟風開南樓縱作

一水隔不遣小舟衝浪來

夜半走筆酬壽翁

短篷掀舞不得寐
忽枉新詩手自開
主人留客不作意

更送一江風雨來

又

二年塵土堆中坐一到南樓眼暫開
風靜江平留不得待教黃鵠送詩來

琵琶亭

江州司馬舊知音流落江湖感更深
萬里故人明月夜琵琶不作亦沾襟

又

潯陽江上琵琶月彭澤門前楊柳風
兩賢抵許不相似
哀樂雖殊吾意同

過三塔寺

湖光瀲灩接天浮風捲銀濤未肯休
夜岸繫舟來古塔
不妨蹤迹更遲留

又

層巒疊嶂幾重重萬頃煙波浩渺中
釣艇未歸饒夕照
耳邊蘆葦戰寒風

于湖集卷十一